

3 Christliche Ausle-
gung der schönen vnd herrlichen Pro-
phecy Esaie / von der heiligen Geburt vnd
Menschheit Christi / tröstlich allen
lieben Christen.

Durch
M. Bartholomeum Wagner/
Pfarrer zu Glanham.

Gedruckt zu Leipzig durch
Wolff Guntter.

M. D. LI.

Die Christliche Schule

am 1. April 1600
am 1. April 1600
am 1. April 1600

1600

Die Christliche Schule
am 1. April 1600

Die Christliche Schule
am 1. April 1600

1600

Dem Edlen Ge-

strengen vnd Ehrnvesten / Heinrich
von Wolfferstorff zu Entschitz / der Herr
schafft Schönburg Oberheuptman / meinem in-
sonderen groszügigen Herren / viel gnad /
glück / heil / vnd ein seliges newes
Ihar durch Christum
Amen.

Gestrenger / Edler vnd Eh-
renvester / Günstiger lieber
Herr Oberheuptman / Es ist
ein seiner löblicher vnd Christi-
licher gebrauch / das die Chri-
sten einer dem andern ein glückseliges newes
Ihar wünschet / das sie dasselbige Gott zu
ehren / irer Seelen zu nutz / vnd zu besserung
ihrer Nohesten volbringen / vnd inen alles wol
vnd glückselig gehe. Denn dabey erinnert
man sich vnser Erlösung / die vns Got durch
seinen Son Christum gesendet hat / welchs
allein das rechte selige / vnd allein das ewige
newe Ihar ist. Zum andern / das wir auch
gedencken / das wir solch New Ihar / Gott

zu ehren/vnd vns zur wolfart an Leib vnd
Seel anfahren vnd vollenden. Zum drit-
ten / das wir vns erinnern / das alles glück/
wolfart / vnd alles gutes ein gabe Gottes
ist/die er vns vmb seines lieben Sohns wil-
len/aus lauter lieb vnd gunst bescheret/ Vnd
wenn es vns ein Ihar / Monat / Wochen /
Tag oder Stund wolgehet / so sollen wir
vns erinnern / das es ein gabe vnd gnade
Gottes ist.

Damit aber solcher Christlicher ge-
brauch/auch von mir gehalten würde/wün-
sche ich E. G. vnd allen lieben Christen ein
glückseliges Neues Ihar/das E. G. dassel-
bige möge Gott zu lob/ vnd besserung ewers
Nehesten anfahren vnd volbringen / Amen.

Weil es aber darneben der gebräuch ist/
das man zu solcher glückwünschung des
Neuen Ihars auch pfleget eine gabe zusen-
den/dabey man des glückwünschers hertz/
lieb vnd gunst spüret / habe ich solchẽ brauch
auch wollen halten.

Überschicke derhalben E. G. nicht
gelt/gut/oder zeitliche ehr/ Sondern das al-
ler

ler höchſte vnd ſeligmachende Gut / welches
iſt Gottes Wort / darinne vns Gott ſein ver-
terlich hertz / gemüt / lieb / gunſt / vnd willen
offenbaret hat / Nemlich das er vns allein
wil gnedig vnd barmhertzig ſein / vnd vns
hertzlich gerne alle vnſer ſünde verzeihen
vnd vergeben / vmb ſeines lieben Sons Ihe-
ſu Chriſti willen / welcher auch allein vnſer
Heiland vnd Immanuel iſt.

Vnd damit ſolchs geſchenck E. G. de-
ſto lieber vnd angenemer / vnd ſich mit der
zeit ſein ordentlich reimete / hab ich die treſſ-
liche / gewaltige vnd gnadenreiche Prophe-
cey Eſaie am vij. capit. für mich genomen /
vnd dieſelbige auffſs einfeltigſte ausgelegt /
ſowiel Gott dißmal gnade ſeines Heiligen
Geiſts verliehen hat / Darinne E. G. reich-
lichen troſt ewrer Seelen erfinden werdet /
die Gott vns durch das Newgeborne Kin-
delein beſcheret hat / Denn er iſt vnſer Im-
manuel / vnſer Gott / vnſer Erlöſer / Heiland
vnd Iheſus. Verhoffe es werde E. G.
lieb vnd angenehme ſein / nicht vmb meiner
einfeltigen auslegung willen / ſondern vmb

des reichen trosts / vnd vmb der versiche-
rung willen vnsers Christlichen glaubens/
welche beide vns gewaltig in dieser Prophe-
zey vorgehalten werden/ Gott der Va-
ter vnsers Herren Ihesu Christi/ erhalt E.
G. vnd vns alle bey der erkanten warheit
seines Worts/ Vnd gebe E. G. vnd vns
allen ein glückseliges/friedliches Neues jar/
vnd nach diesem das ewige leben / Amen.
Geben Blanchaw / am Newen Ihartstage/
nach Christi vnsers Immanuel Geburt /
M. D. Lf.

E. G. williger Diener

M. Bartholomeus
Wagner / Pfarherr
zu Blanchaw.

Auslegung

Auslegung der scho- nen herrlichen / vnd tröstlichen Pro- phecy Esaie / von der Menschwerdung Ihesu Christi / vnser Erlösers vnd Seligmachers.

Die Wort der Weissagung vnd
Prophecy Esaie am
vij. capit.

Sihe / Eine Jungfraw ist schwan-
ger / vnd wird einen Son geberen / den
wird sie heissen Immanuel.

Weil der heilige Prophet
Esaias so herrlich vnd gewal-
tig von der Geburt Christi weis-
saget / das auch solchs wider
Türk / Jude / Weid / noch die
Pforten der Wellen / mit war-
heit vnd grund Göttlicher Schrift können vmb-
stossen / So wollen wir sie itzt vor die hand ne-
men / Gott zu ehren / vnnb danck seinem lieben
Son / auch zu versicherung vnser Glaubens an
Christum / vnd darinnen sein ordentlich vnd ein-
feltig

feltig handeln/ damit die vnderstendigen etwas
fruchtbarlichs daraus schöpfen vnd fassen mö-
gen.

Erstlich wollen wir betrachten/ das grosse vn-
erhorte/ vnd menschlicher vernunft vnd weisheit
vnbegreifliche wunderwerck Gottes/ das er al-
hier durch den Propheten anzeiget/ das ein Jung-
fraw sol schwanger werden/ ane natürlichen ge-
brauch/ vnd zu thun Mennlichs Samens/ vnd
ein Kindelein geben.

Zum andern/ von der Menschwerdung Chri-
sti/ das er warhafftiglich ein warer natürlicher
Mensch/ von Maria der Jungfrawen geboren
sey/ ausgenommen die Sünde/ Dem Christus ist
nicht in sünden empfangen vnd geboren/ wie wir
arme sündliche Menschen/ Sondern durch den
Heiligen Geist/ wie solchs vom Engel Marie
verkündiget.

Zum dritten/ etliche Ursachen/ Warumb
Christus hat müssen zugleich warer Mensch vnd
Gott sein.

Zum vierdten/ von dem tröstlichen vnd herr-
lichen Namen des Kindeleins/ welchs **JHVA**
ME genennet ist worden. Von diesem al-

lem/ Christlich zu handeln vnd zu lernen/

verleihe vns Gott/ der Vater aller gna-

den seinen Heiligen Geist/

Amen.

Erstlich

Darfflich saget alhie der Prophet Esaias /
von einem grossen vnd vnbegreiflichen
Wunderwerck Gottes / das eine Jung-
fraw schwanger ist / welche sol einen Son gebe-
ren / des Namen sie heissen sol **IMMANUEL** /
das ist / Gott mit vns / Vnd sol solchen Son ane
natürlichen gebrauch menschliches geschlechts
empfangen vnd geberen. Vnd wird billich / ei-
gentlich vnd recht ein wunderwerck Gottes gene-
net. Denn solch werck ist vnmüglich allen Crea-
turen / allen Engeln vnd Menschen / Ja wenn
alle Creaturen / auff einen hauffen zusammen ge-
schmeltzet weren / so were inen doch allen vnmög-
lich / das sie solten dis wunderwerck thun / vnd ei-
ne Jungfraw / nicht allein ane Weiblichen Sa-
men schwanger machen / sondern auch der Jung-
frawen frucht nennen Immanuel / mit namen
vnd that. Denn welche Creatur kan das thun?
Welcher Engel kan das von im rühmen? Wel-
cher Mensch hat solchs jemals vorgenommen zu
thun / Ich geschweige / das ers solt gethan ha-
ben? Oder wer kan sagen das je zuuor auch des
gleichen geschehen sey / oder noch geschehen wer-
de? Darumb ist es allein Gottes werck / vnd
wird auch allein sein bleiben / Ist allein auch dis
mal geschehen / vnd wird gewislich nicht mehr ge-
schehen / die weil Himel / Erden / Son / Mon /
vnd die Welt stehen wird.

Ich halt dafür / das solchs der Teuffel / vnser
vnd Gottes ergster feind / sich offft vnterstanden
habe /

be/solche werck Gottes nachzuthun. Nicht dar-
umb/das er Gottes ehr preisete /vnd vnsern glau-
ben dadurch bestetigte / Sondern das er Gottes
ehr vnd seine verheischung vnehrete vnd verfelsch-
te /vnd vns in vnserm glauben zweifelhaftig ma-
chete/ Aber Gott hat im wunderbarlich gestew-
ret /vnd sein wunderwerg vnd zusagung rein von
seinen lügen erhalten vnd beschützet.

Darumb ist es allein Gottes werck /darinne
er sein krafft/ macht/ gunst/ gnad vnd lieb gegen
vns gepreiset. Denn es sagt der Prophet Esai-
as/ Es ist ein Jungfraw schwanger/die sol einen
Son geben. O wer hat solchs jemals gese-
hen? Wer hat solchs jemals erfahren? oder ge-
hort? Oder in welches menschen hertz ist es je-
mals kommen? Das ein Jungfraw sol schwan-
ger werden /vnd einen Son geben / ane natür-
lichen gebrauch des menschlichen Geschlechts.
Doch ist also warhafftig geschhehen/ergangen/
das solchs alle Engel/die Menschen/sa alle Teuf-
fel bekennen müssen / vnangesehen / wie vnmög-
lich solchs ist allen Menschen / allen Engeln vnd
Creaturen / Aber bey Gott ist nichts vnmög-
lich/ Ihm ist leicht alles zuthun/was er nur wil/
wie ihm beide Engel vnd Menschen/sampt der
Heiligen Schrift gezeugnis geben. Denn es sa-
get David/im 135. Psalm also. Alles was er wil
das thut er / im Himel / auff Erden / im Meer/
vnd inn allen Lüfften. Im 33. Psalm. So er
spricht/

spricht / so geschichts / So er gebeut / so stehets da.
 Jeremias am 32. capit. Ach **DEUX** Gott / Si-
 he / du hast Himel vnd Erden geschaffen / durch
 dein grosse krafft / vnd durch deinen ausgestreck-
 ten arm / Vnd ist kein ding für dir vnmöglich.
 Denn Gott ist gros von Rath / vnd mechtig von
 That. Vnd preiset auch solch wunderwerck vn-
 ser Christlicher glaub vnd bekentnis / Das wir
 glauben vnd bekennen / das Christus nicht allein
 von dem Heiligen Geist empfangen / vnd aus
 Maria geboren sey / sondern das wir auch glen-
 ben vnd bekennen / das Maria die Mutter Christi
 sey ein ware reine Jungfraw blieben / für der ge-
 burt / in der geburt / vnd nach der geburt / Dar-
 umb auch die Christliche Kirche solche wunder-
 werck rühmet inn diesem Christlichen Gesang /
 Gleich wie die Sonn durchscheinet das Glas / vnd
 es doch nicht zerbricht oder verseret wird / Also ist
 auch Christus geboren aus der Jungfraw Ma-
 ria / ane verletzung irer Jungfrawschafft.

Ob ich aber solch wunderwerck nicht mit mei-
 ner vernunft vnd weisheit fassen kan / noch mit
 Blut vnd Fleisch verstehen / Denn es gantz vnd
 gar wider vernunft vnd alle weisheit gehet vnd
 sich stößet / so sol ichs doch gleubē / vnd Gotte / sei-
 nem Wort vnd Zusagung / stadt vnd raum in mei-
 nem hertzen geben / Des allein durch den glauben
 an Gottes Wort / kan man solche hohe / grosse
 B g vnd

vnd vnerforschliche Wunderwerck fassen/begreiffen vnd verstehen/sonst ist es allen Menschen/Engeln vnd Creaturen vnmöglich. Können doch die Menschen nicht natürlicher weise sich berichten vnd gleuben/das Gott Himel/Erden/Son/Mon/vnd alles/aus nichts/allein durchs Wort geschaffen habe/ Wie wollen denn wir mit vnser vernunft ein solches hohes/wunderbarliches vnd vnerhörtes werck fassen vnd verstehen? Darumb mus man allein auff Gottes Wort vnd seine verheischung sehen/vnd vns gantz vnd gar / mit aller vnser vernunft vnd weisheit gefangen geben/wie die liebe Jungfraw Maria gethan hat/Die disputirt nicht lange mit dem Engel/vnd fraget ob es auch möglich were/ob es auch köndte mit vernunft vnd weisheit begriffen werden/Sondern sie gleubet Gott vnd seiner zusagung/vnd spricht/ *Fiat mihi secundum uerbum Domini.* Wir geschehe nach dem Wort des **HEILIGEN**/ Also sollen wir auch gleuben vnd sprechen. Vns geschehe nach dem Wort des **HEILIGEN**.

Das ist das Erste/von dem hohen vnd grofsen Wunderwerck Gottes / das ein Jungfraw ist schwanger worden / ane natürlichen gebrauch menschliches geschlechts / vnd einen Son geboren / den sie hat geheiffen Immanuel / das ist/ Gott mit vns. Wir aber sollen fürnemlich diese stück vnd lehr daraus fassen vnd mercken.

Lehr

Lehr die man aus dem Wunderwerck Gottes mercken sol.

Estlich / das Gott alle seine verheischung
trewlich halte vnd volkōmenlich erfülle/
was er zusage / Ob er wol dieselbige ein zeit=
lang auffschubet / doch komet er denselbigen ent=
lich trewlich nach. Et quod Deus differt, illud non aufert. Al=
so hat er auch alhie warhafftig erfüllet / was er zu
vor durch den Propheten Esaiam / vnd andere ge
weissaget hat.

Zum Andern / das Gott allmechtig / vnd im
nichts vnmöglich sey / wider im Himel noch auff
Erden / Ob gleich solchs bey den menschen vn=
möglich scheint / vnd ist / so ist doch bey Got alles
möglich. Bey den menschen ist es vnerhört gewe
sen / vnd allen Creaturen vnmöglich / das ein
Jungfraw sol schwanger werden / vnd einen
Sohn geberen / ane mennlichen Samen / Aber
bey Gott ist es leicht vnd möglich / wie wir es er=
faren / vnd zu trost vnser seelen empfangen haben.

Zum Dritten / die rechte form vnd weise / wie
man die Wunderwerck Gottes fassen / greiffen
vnd verstehen kan / Nemlich dem Wort Gottes /
vnd seinen verheisungen warhafftig glauben /
vnangesehen / ob solch wort vnd verheischung
gantz vnd gar vor vnsern augen nerrisch vnd vn=
möglich scheint. Denn es ist ein sonderlich
werck Gottes / das er alles sein thun vñ Wirkung
dahin richtet / das er damit aller menschen weis-

heit gefangen neme / Darumb sol sich kein Christ
an den Wercken Gottes ergern / sondern denselbi-
gen glauben / wider sein eigen vernunft vnd weis-
heit / Vnd ist das sonderlich ein nützliche vnd nö-
tige lehre / die wol zu mercken ist / Denn an diese
form vnd weis / kan man sunst keinen Artickel des
glaubens fassen noch begreiffen / sonder man ver-
acht dieselbigen / vnd ergert sich daran. Denn
glaube vnd vernunft können nicht zugleich bey
einander sein / Denn es stößt sich die vernunft an
dem glauben / vnd der glaub an der vernunft.

Zum vierdten / sehen wir hierinne die grosse bos-
heit / verstockung vnd blindheit der Jüden / das sie
die klare verheischung Gottes nicht allein verach-
ten / vnd in wind schlagen / Sondern darüber zu
fallen / aus lauterm neid / freuel / mutwil vnd bos-
heit / vnd verfelschen dieselbigen mit falscher aus-
legung / vnd anderer deutung / Ja faren auch
darüber zu vnd schenden vnd lestern den Son Got-
tes vnd Mariam / Mit diesen Gottlosen / verstock-
ten vnd verfluchten leuten / wollen wir nichts zu-
thun haben / Dennes ist alles vermanen / alles
schreiben / alles bitten vnd flehen an inen verloren.
Sie haben eiserne stirn / vnd steinerne hertzen / Sie
sind halsstarrig / vnd widerstreben allezeit Gott /
seinem Wort vnd Verheischungen / Denn weil sie
Gott hat nicht könnē erwinnen / weich vnd mürbe
machen / durch die greuliche / grausame vnd er-
schreckliche straff / die nu geweret hat lenger denn
1500. jar / vnd müssen noch in der irre gehen wie
ver-

verfluchte vnd verlorne leut / die nimermehr trost
vnd heil erlangen werden. So wird auch viel we
niger vnser lehr vnd vermanen helfen / vnd sie zu
erkenntnis irer sünde bringen. Darumb lassen wir
sie faren mit iren verstockten vnd widerspenstigen
hertzen / vnd sie erwarten der ewigen straff / verma
ledung vnd verdammnis Gottes / darnach sie frey
vnd mutwillig gestrebet / die sie auch gewislich er
langen werden / Amen. Denn wer Gott vnd
seinem wort nicht folgen vnd gleuben wil / son
dern das verachten / lestern / schenden / vnd lügen
straffen / denselbigen wil Gott wider lestern vnd
schenden / Vnd wer nicht in Himel wil / dem sol
die Helle sperrweit auffstehn.

Dies sind die fürnemsten lehr des Ersten Arti
ckels / die man fleißig behertzigen sol / damit man
sich wisse inn Gottes Wunderwerck zuschicken /
vnd sich denselbigen mit vernunft / Blut vnd
Fleisch / vnd allen vnsern krefftten gefangen geben
vnd vnterwerffen / vnd allein an seinem Wort fest
vnd starck halten.

Der Ander Artickel.

DIm Andern / wird in den Worten des Prophe
ten Esaie gewaltig erweist / das Christus wa
rer natürlicher Mensch ist / geboren von der
Jungfraw Maria / doch ane sünde / vñ gebrauch
menschlichs geschlechts / deñ es sagt der Prophet /
Siehe / ein Jungfraw ist schwanger / vnd wird ei
nen

nen Son geben. Weill nu Christus der Son
ist/ vnd Maria die Mutter / welche Christum ge-
tragen/ vnd vnter irem hertzen natürlicher weise
erneeret hat/ vnd von welcher Christus Blut vnd
Fleisch empfangen / So kan ja niemand leug-
nen / Christus mus warer natürlicher Mensch
sein/ Vnd zeugen solchs auch gewaltig die wort
des Engels / welcher mit dem Propheten ein
mund vnd wort füret/ Luce am I. capit. Fürchte
dich nicht Maria / du hast gnade bey Gott fun-
den. Sibe/ Du wirst schwanger werden im Lei-
be / vnd einen Son geben / des Namen soltu
Ihesus heissen.

Die zeuget der Engel / das Maria die Jung
fraw eine Mutter sein sol des Kindleins oder des
Sönleins/ Sol sie nu ein Mutter sein/ vnd in in
irem Leibe tragen vnd erneeren / so mus je diesel-
bige Geburt Blut vnd Fleisch/ Leib vnd Seel ha-
ben/ wie ein ander Mensch/ ausgenommen die sün-
de. So zeugen solchs alle werck vnd thaten
Christi / nach der menschheit geschehen / Er hat
gessen/ getruncken/ geschlaffen/ gewacht/ vnd al-
le andere natürliche vnd menschliche wirkung
vnd actiones gethan / die ja kein Gott noch Engel/
seiner substantz nach/ gebüren. So müssen je alle
menschen bekennen/ das er gelidten hat/ gestorbe
vnd begraben ist/ welche werck allein der mensch-
heit Christi zugeeignet werden / vnd nicht der
Gotttheit/ Denn *Diuinitas est omnis passionis expers*. Gott
heit kan nicht leiden/ sterben/ oder begraben wer-
den.

den. Also nennet auch Christum die Schrift den Samen eines Weibes/ Ein Samen Abrahe/ vnd Davids. Aus welchen allen klar/hell/ vnd offentlich erweist wird/ das Christus warer vnd natürlicher Mensch ist/ doch ane sünde.

Wie aber solchs sein kan vnd möglich ist/ das Christus hat sollen von Maria/ Fleisch vñ Blut/ Leib vnd Seel empfangen/ vnd doch solchs alles ane sünd/ das ist vns vnd allen menschen vnd Engeln zu hoch zu ersteigen/ Darumb wollen wir solchs gerne faren lassen/ vnd vns abermal mit aller vnser vernunft/ witz/ weisheit vnd verstand gefangen geben/ vnd Gottes Wort/ vnd der Heiligen Schrift allein gleuben. Das aber solchs die Jüden nicht gleuben/ leit nicht viel dran/ Gott wird irent halben nicht sein Wort/ werck vnd verheischung auffheben/ Vnd das solchs alles inen ergerlich scheinet/ vnd vns Christen darumb verspotten vnd verspeien/ darnach fragen wir auch nichts/ Denn es ist ein sonderliche weisheit Gottes/ das alle seine werck/ müssen der welt Thorheit heissen. Das darnach viel Ketzer das widerföchten haben/ vnd sich vnterstanden die Menschheit Christi zuuerneinen/ sol vns nicht wunder nemen/ Denn der Teuffel hat allewege seine organa vnd instrument/ dadurch er Gottes Wort gedencket zuuerfalschen/ vnd den lieben Christen/ den trost den sie haben an Christo Ihesu/ hinweg zu-

C

reissen/

reissen / Aber das sol vnser trost sein / das Gott
der VERR dem Teuffel / Jüden / Türcken / Wei-
den vnd Kettern / bis auff diesen tag / gewaltig
vnd wunderbarlich gestewret / vnd solchs wird er
auch noch thun.

Diese zeugnis der Propheten / des Engels /
vnd der Weiligen Schrift / von der menschlichen
natur Christi / sol man wol fassen vnd ins hertz
drucken / auff das wir vnser glaubens von Chri-
sto gewis sein / vnd die lügen des Teuffels / vnd al-
ler Bottlosen Jüden umbstossen mögen. Das sey
kürtzlich von dem Andern Artickel / Denn ich ein
Predigt / vnd nicht ein Buch schreibe. Aber aus
diesem Andern Artickel / sol man diese lehr merckē.

Lehr des Andern Artickels.

Estlich / das Christus Ihesus warer natürli-
cher Mensch sey / geboren von der Jungfraw
Maria / wie wir in vnserm Glauben bekennen
vnd gleuben / vnd Gott durch sein Wort vnd Ver-
heischung versprochen / Doch ein heiliger vnd al-
lein gerechter Mensch / ane sünde / vnd zu thun
männliches Samens.

Zum andern / die grosse feindschafft des Teuf-
fels / wie sich derselbige von anfang der Geburt
Christi mit gewalt vnterstanden / solchen Artickel
zu ver-

zu verunreinigen vnd verfälschen / durch seine
werkzeuge die Ketzer / Aber Gott hat im wun-
derbarlich geweret / vnd alle Ketzer greulich vnd
schendlich hingerichtet. Denn die Manichei ha-
ben Christum gehalten nicht für einen waren men-
schen / sondern für ein geistlichen leib / als ein Ge-
spenst vnd Gesicht. Aber solchs ist des Teuffels
werck / eingebung vnd lügen. Denn wie kan Chri-
stus ein geistlicher Leib sein / den man nicht greif-
fen noch tasten kan / wie Thomas den VLTEN
Christum gegriffen vnd getastet hat.

manichäi

Valentiniani die Ketzer sagen / er habe ein
Himelischen Leib vom Himel gebracht / vnd den
selbigen nicht von Maria empfangen / Aber sol-
ches sein grobe vnd greuliche irthumb vnd leste-
rung Gottes / vnd können durch öffentliche helle
gezeugnis der Schrift widerleget vnd vmbge-
stossen werden / darumb ane not / hie viel zeit zu
zubringen.

Valentiniani

Zum dritten folget die Frage.

Warumb denn Christus nicht allein warer
Mensch sein mus / sondern auch warer
Gott / vnd also in einer Person zwe Natu-
ren vereiniget / wunderbarer vnd vnbegreif-
licher weise? Darauf ich diese Ursachen gebe /
vnd sage das solchs darumb geschehen sey.

E ij

Erstlich

Erstlich / das das menschliche Geschlecht
durch gleiche Natur wider erlöset würde. Denn
gleich wie durch einen mensche das gantze mensch
liche Geschlecht inn Sünde / Gottes Zorn / vnd
ewige Verdammnis gefallen / Also hat müssen das
menschliche Geschlecht widerumb von Sünd /
Gottes Zorn / vnd ewiger Verdammnis / durch et
nen menschen erlöset werden.

Darnach von wegen der Verheissung Got
tes / welche von menschlicher natur des Erlösers
vnd Seligmachers zeugen / derhalben hat Chri
stus müssen auch warer mensch sein / Die Verhei
schungen aber sind ewer liebe bekand / derhalben
an not hie anzuziehen. Denn im 1. Buch der
Schöpffung am 3. cap. wird Christus ein Samen
des Weibs genennet / das ist / ein Mensch. Am
22. cap. wird er genant Abrahams Samen / Nu
ist Abraham aus menschlicher Natur / darumb
mus auch sein Same also sein. *Homo generat hominem.*
Doch ane sünde. So wird er Davids Son / Sa
men vnd gewechs genennet.

Zum dritten / mus er warer Gott vnd Mensch
sein / das er durch sein krafft vnd macht könne über
winden / Sünd / Tod / Teuffel / Dell / vnd ewige
Verdammnis / vnd Gerechtigkeit / Leben vnd Selig
keit wider bringen / Denn der Sünden / Tod /
vnd ewiger Verdammnis obsiegen / vñ solche grem
liche

liche starcke Feinde überweldigen / vnd sie gefangen nemen / sind nicht werck eines schlechten menschen / sondern Göttlicher krafft vnd allmechtigkeit / Solten nu solche vnüberwindliche Feinde vnd Widersacher des menschlichen Geschlechts überwunden vnd erlegt werden / So hat Christus müssen zugleich warer Gott vn̄ Mensch sein.

Zum vierdten / vmb des grossen erschrecklichen vnd vntreglichen zorn Gottes willen / welchen kein Mensch auff Erden hat können versönen / vnd denselbigen wegnemen / Denn alle Engel vnd Menschen haben solchen zorn Gottes nicht wenden können / Aber Christus der ware Gottes vnd Marie Son / hat solchs müssen thun / damit er vns wider bey Gott versonet / vnd friede machete. Das ist eine schöne herrliche Ursache / die vns erstlich erinnert des gewulichen vnd erschrecklichen zorn Gottes über die sündē / Dar nach der grösheit der sündē / das sie auch hat können kein Mensch hinweg nemen / denn allein der Son Gottes vnd Maria / Zum dritten / die grosse liebe Christi gegen dem menschlichen geschlechte / das er sich so hoch hernieder gelassen / vnd sich in vnser arm / schwach Blut vnd Fleisch verkleidet / das er allein den zorn Gottes stillete.

Zum fünfften / vmb beschützung vnd defension willen der Christlichen Kirchen / Denn es
C iij sind

sind so viel grewliche / gewaltige vnd erschreckliche Feinde der Christlichen gemein / das es vnmöglich ist / das ein Mensch / ja alle Menschen vnd Engeln die Kirche erhalten können / an Christo / Denn sehet was Sünd / Tod / Teuffel / Welke / vnd ewige Verdammnis für grosse Feinde sein / die sich vnterstehen / tag / nacht / alle stunden vnd augenblick / alle Christen in abgrund der Dellen zu stoßen: Wer wil allen Kettern / Kotten / falschen Lehrern / in der weiten welt / widerstehen / den weren vnd stewren / die Gottes Wort / die hochwürdigen Sacrament verfelschen / vnd die Gemeine Gottes verführen:

Wer kan vnd mag allen Tyrannen / Bluthunden / falschen Christen / vnd Verfolgern seiner Kirchen stewren vnd weren: Die lieber wolten das kein Christ nie geboren were / Vnd wenn sie auch die Christen köndten alle auff einen tag oder Stund vmbbringen / vnd ertödtten / so were es ir höchste freud. Wo nu Christus allein ein Mensch / vnd nicht warer Gott were / so hetten die Christen müssen lange ausgetilget werden / vnd von der Erden in abgrund der Dellen gestossen / Weil er aber ist warer Mensch vnd Gott / so sollen alle Tyrannen / Kotten vnd Ketzer zu grund gehen / vnd schendlich / hie zeitlich vnd dort ewiglich vmbkommen. Vnd die Christliche Kirche sol bleiben vnd bestendig sein / Wie auch Christus

stus / Matth. am 16. capit. den trefflichen spruch
einfüret / Die Pforten der Hellen sollen nichts
dawider vermögen noch auffbringen / Sollen
die Pforten der Hellen / Sünd / Tod / Teuffel /
vnd ewige Verdammnis / nichts an der Gemeine
Gottes auffbringen noch schaffen / So wer=
dens viel weniger die Ketzer / Kotten / Tyrannen /
Bischoff vnd Bepste thun. Vnd das ist über=
aus ein tröstliche Ursache allen lieben Christen /
dabey sie sollen versichert sein / das Christus sei=
ne Kirche vnd Gemeine schütze / regiere / vnd wun=
derbarlich mit grosser macht vnd gewalt erhalte /
wider alle gewalt auff Erden.

Zum sechsten / hat Christus müssen auch
warer Gott vnd Mensch sein / Das er sey ein Ver=
föner vnd Friedensmacher / beide zwischen Gott vnd
den Menschen.

Diese Ursachen zeigen an / warumb Chris=
tus hat müssen warer Gott vnd Mensch sein /
Das aber Christus sey warer Gott vnd Mensch /
zeuget die Schrifft / vnd Christi Werck / Ampt /
Krafft vnd Macht gewaltig / Wie wir hören
werden im Namen **JHANNES**.

3 Vm Vierdten vnd letzten / lest es der Prophet
nicht dabey bleiben / das er saget / Es ist
ein

ein Jungfraw schwanger / vnnd sie wird einen
Sohn geberen / Sondern gibt auch dem lieben
Sönlein einen schönen herrlichen Namen / vnd
heist es **JH MANN EL** / das ist ein Hebreisch
wort / vnd kömpt vom Immanu / vnd **EL** / das
heist auff Deutsch / **GOTT MIT VNS** /
oder / **GOTT** für Vns. In diesem schönen
vnnd trostreichen Namen / sollen wir diese zwey
stück wol betrachten. Erstlich / das das Kind-
lein sol von natur / art vnd Essentz warer Gott
sein / vnd nicht ein sündiger armer Mensch / wie
wir sein. Vnd solchs sol vns auch trösten / denn
wir hie öffentlichen durch den Propheten überzeu-
get werden / das Christus warer Gott ist / von na-
tur vnd Essentz Göttliches wesens / Zu trotz al-
len Ketzer vnd Kotten / Zu trotz allen verfluch-
ten vnd verdampften Jüden vnd Türcken / so sol-
ches leugnen vnd anfechten.

Darnach / sollen wir das für allen dingen
warnemen / vnd ja wol behertzigen / das er genen-
net wird **JH MANN EL** / das ist / **GOTT**
mit Vns / oder **GOTT** für Vns. Denn ob
wir gleich glaubten / das Christus warer Gott
von natur vnd Göttlichem wesen geboren were /
vnd wir glaubten nicht / das er Vnser Gott / oder
Vns zu trost geboren were / So hülffe vns beide
seine Gottheit vnd Geburt nichts / Vnd wie wir
in dem ersten sehen Christi Natur vnd Gottheit /
Also

Also befinden wir hie auch sein Ampt/Werck vnd
Wirkung/das ist/ Warumb Christus geboren
sey/ Was er vns nütze vnd helffe/ Nemlich/das
er vnser sündliche vnd vnreine Geburt/ rein vnd
heilig mache/ vnd alle sünde von Adam angeer-
bet/hinweg neme/ vnd ewiges leben vnd seligkeit
dafür gebe. Denn sunst ist es vnmöglich selig zu
werden/oder gnad vnd vergebung der sünden zu
erlangen/wenn wir nicht gleuben/das er vnser
Immanuel/das er vnser Gott vnd Erlöser sey/
Wie wir denn diese heilige tage singen/inn dem
schönen vnd herrlichen Gesang/Ein Kindelein so
löbeleich &c. Wer Vns das Kindelein nicht gebo-
ren/So weren wir all zumal verloren/Das heist
ist vnser alle. Diese wort solten alle liebe frome
Christen fassen/in jr hertze schreiben/daran gleu-
ben/ Sich an jrem Todesbette damit trösten/
Vnd ist gewislich war/wesh ein Christ diese wort
betrachtet/vnd warhafftiglich gleubet/ So kan
er nimmermehr verloren noch verdampt werden/
Denn Christus ist darumb vnser Immanuel/vn-
ser Erlöser vnd Seligmacher/auff das alle so an
in gleuben/sollen nicht verloren werden/sondern
das ewige leben haben. Mit diesem Namen Im-
manuel/kommen die andern Propheceyen von
Christo auch hübsch über ein/ Ob sie wol mit
andern Worten geschriben werden/so bekennen
sie doch alle/das Christus allein der Seligma-
cher vnd Erlöser des menschlichen Geschlechts
D sey/

sey / Wie nu hie Esaias Christum nennet **IM-**
MANUEL / Also nennet in der Engel **IM-**
SDN / welchs auff Deutzsch heist ein Selig-
macher / ein Siegman / oder Weiland / in dem al-
lein stehe alles heil / aller trost / vnd das sonst kein
heil noch trost / auffser diesem Ihesu sey / Wie auch
Petrus bekennet in Geschichten der Apostel / am
4. cap. Es ist in keinem andern heil / ist auch kein
ander Name den Menschen gegeben / darinne wir
sollen selig werden. Am 10. capit. des gleichen:
Von diesem zeugen alle Propheten / das durch sei-
nen Namen / alle die an in glauben / vergebung der
sünden empfangen sollen. Jeremias kömpt mit
Esaias vnd dem Engel sein überein / im 23. cap. vnd
spricht / Er wird genennet werden Jehouah / *in-*
stitia nostra, das ist / **DEIX** vnser gerechtigkeit /
Darinne er erstlich gewaltig erweist / das Chri-
stus warer Gott sey / den er nennet Christum / mit
dem Hebreischen wort Jehouah / welchs allein
Gott / vnd keiner Creatur / wider im Himel noch
auff Erden gegeben wird / es sey ein Engel oder
Mensch / sondern alleine Gott / welchs auch die
verstockten Jüden müssen one danck der warheit
zum zeugnis bekennen.

Zum andern beweiset Jeremias / das Chri-
stus sol vnser Gerechtmacher sein / vnser Gerech-
tigkeit / Nicht allein vor sein Person gerecht / son-
dern das er auch sol seine gerechtigkeit Vns mit-
theilen /

theilen/ sol gantz vnd gar vnser sein/ mit allen gä-
ben/ gütern vnd wolthaten die er hat/ Das heist
recht von Christo geprediget/ Das heist voll
sein des heiligen Geists/ das man bekennet/ das
Christus Vnser/ Vnser/ Vnser gerechtigkeit sey/
Vnser Immanuel/ Vnser Ihesus/ Vnser Jeho-
uah/ Wie im auch Paulus vier herrlicher vnd
tröstlicher Namen givet/ in der 1. zun Corinth. am
1. capit. Welcher vns von Gott gemacht ist zur
Weisheit/ zur Berechtigkeit/ vnd zur Heiligung
vnd Erlösung/ auff das (wie geschrieben stehet)
Wer sich rühmet/ der rühme sich des **DEARI.**
Alhie möcht man die Propheten her nemen/ vnd
nach einander setzen/ do würde man wunder se-
hen/ wie sie den **DEARI** Christum so hoch heben/
preisen/ vnd in waren Gott vnd Menschen rüh-
men/ vnd einen Erlöser des gantzen menschlichen
Geschlechts/ Aber solchs macht nicht eine/ son-
dern viel predigt/ Darumb genug mit diesen ge-
zeugnissen. Wir aber sollen fürnemlich vnd son-
derlich aus diesem letzten Artickel das mercken.

Lehr des letzten Ar- tickels.

Enlich / das Christus warer Gott vnnd
Mensch/ sey der einzige Erlöser vñ Seligma-
cher/ des gantzen menschliche Geschlechts.
D ij Vnd

Vnd sey auch sonst kein ander Name den Menschen gegeben / dardurch sie selig werden / Welches ein trefflicher vnermeslicher trost ist allen betrubten hertzen / vnd angefochten gewissen.

Zum andern / das die werck nicht können noch mögen selig machen / oder von Sünde erlösen / Denn wo die werck selig machten / were Christus vmb sunst geboren vnd gestorben.

Zum dritten / sollen wir ja acht haben / auff wen vns Gott selbst / die Propheten / Engel vnd Apostel weisen / Nemlich allein auff Christum das Newgeborne Kindlein. Siehe / wie alle Propheten ein Wort vnd Mund führen / Sie geschweigen aller Creaturen / aller Heiligen vnd Weisen / bezeugen vnd glauben / das Christus allein sey der Fried vnd Gerechtmacher des gantzen menschlichen Geschlechts / Wol allen denen / so es glauben / Verflucht aber vnd verdampft sein / alle die das widersprechen.

Bey dieser lehre sollen alle trewe Lerer vnd Prediger ein Exempel nemen / das sie ihre Scheffel allein auff das Newgeborne Kindlein **JHANNES** weisen / Vnd nicht auff menschen Gesetze / Nicht auff Werck noch Verdienst / Nicht auff Anruffung der verstorbenen Heiligen /
Nicht

Nicht auff Ablass/Messen/Vigilien/vnd andere
verführische vnd Teufflische Lehre.

Solchs sey gnug von dieser schönen vnd
tröstlichen Prophecey Esaie/ Gott der Vater al
ler gnaden/gebe allen lieben Christen seinen Wei
ligen Geist/das sie mögen die selige vnd fröliche
Geburt Ihesu Christi recht vnd wol betrachten/
Gott zu ehren/irer seligkeit zu nutz/zu besserung
ires lebens/vnd zu wolffart allen Men

schen. Das gebe der liebe Gott
vnd Vater vnser **N A M E N**
ren Ihesu Christi/
Amen.

**Ende der Predigt von der
Geburt Christi.**

Im Buch der Schöpfung/am
xlix. Capitel.

Es wird das Scepter von Juda
nicht entwendet werden / noch ein
Meister von seinen Füßen / bis das
der Held come.

Als ist die tröstliche vnd erfülle Prophecey/
von der zukunfft vnd Regiment Christi/ wel
cher aus dem Stam vnd Geschlecht Juda ist
geboren worden/ welcher ein gewaltiger/ ja allmechti
ger vnd ewiger König ist / wie er jm denn auch einen
herrlichen Titel gibt/ vnd heist in SILO/ das ist / dem
alles glücklich fore gehen / vnd der durch den gewalt
des Tods vnd der Hellen / hurtig wie ein Held / hins
durch gedungen/ den Tod vnd Teuffel überwunden/
vnd in sein gewalt gebracht hat.

Es wird auch sein das Reich Christi hie beschrie
ben vnd angezeigt / wie herrlich es sein sol/ in dem das
er meldet/ Man werde Esel an die Weinstöck binden/
vnd die Kleider in Wein waschen/ Damit wil er anzei
gen/ das ein gering/ veracht/ vnd wie die Esel/ so mit
schwerer Scrutut vnd dienstbarkeit der Jüdischen Sy
nagog verbunden/ vnd mit iren Gesetzen beschweret
sind/ vnd mit Wasser/ das ist/ mit betrübter menschen
lere getrencket / vnd alle freud vnd erquickung beraus
bet sind/ dieselbigen sollē durch den Helden Christum/
von aller solcher beschwerung erlediget / vnd den liebs
lichen

lichen vnd lustigen Weinberg/ das ist/ in die Christliche Kirche gebracht/ vnd durch die Tauffe darin verbunden/ vnd nachfolgents mit dem lieblichen Wein/ das ist/ mit der lehre des Euangelij/ getrencket/ erquicket vnd frölich gemacht werden. Wenn aber solcho heilsame zeit verhanden ist/ sollen wir vnserer Kleider/ das ist/ den alten Adam / damit wir bekleidet sind/ nach der vermanung Pauli / ausziehen / vnd durch Creutz vnd trübsal/ denselbigen ausfegen/ vnd widerumb in Wein/ das ist/ in der lehre des Euangelij purgiren/ vnd schön vnd weis machen/ Damit wir nicht vmb des vnlustigen hochzeitlichen Kleids willen/ von dem H. E. X. ren vnserm Gott ewig verstoßen werden.

Also ist nu diese herrliche Prophecy erfüllet/ vnd das Scepter vnd Priesterthumb von den Jüden aufgehaben / vnd andern Völcern / wie inen Christus Matth. 24. selb angezeigt/ gegeben/ Ihr Stade semerlich durch die Römer verstorret / vnd sie an die vier ort der Welt verstoßen/ vnd ins ewige elend geschickt worden/ Solchs ist vns zum Exempel fůrgestellt/ das wir die gnedige heimsuchung vñ wolthaten Christi erkennen/ vnd jm dafür danckbar sein/ vnd vnser leben bessern sollen/ damit wir nicht auch (des zu besorgen ist) wie die Jüden gestrafft/ vnd aus dem Reich Christi verstoßen werden.

